

ԿԱՐԵՆ ՄԿՐՏՁՅԱՆ

Պատմական գիտ. թեկնածու, ՀՀ ԳԱԱ ՊԻ

ՀԱՅՐԵՆԻՔԻ ՓԱՂԱՓԱՐԻ ԿԵՆՍՈՒՆԱԿՈՒԹՅՈՒՆԸ ԻՐԱՆԻ ՀԱՅ ՓԱՂԱԹՕՋԱՆՈՒՄ ԸՍՏ «ԷԶՄԻԱԾԻՆ» ԱՄՍԱԳՐԻ

Մայր Աթոռ Սուրբ Էջմիածնի պաշտոնական ամսագիրը՝ «Էջմիածինը», սկսած հիմնադրման պահից՝ 1944 թվականից, արժեքավոր հոդվածներ է հրապարակել Իրանի հայ համայնքի գործունեության վերաբերյալ: Այդ հոդվածներն ունեն աղբյուրագիտական նշանակություն. դրանց միջոցով կարող ենք որոշակի պատկերացում կազմել Իրանի հայ գաղթօջախի՝ Մայր հայրենիքի հետ ունեցած կապվածության, ինչպես նաև հասարակական կյանքի վերաբերյալ:

ա. Տ. Գեւորգ արքեպս. Չորեքյանի այցը Թեհրան, Հայոց կաթողիկոսի ընտրությունը.

Ամենայն Հայոց կաթողիկոսության եւ իրանական պետության միջեւ ձեւավորված հարաբերություններն ունեն դարերի պատմություն: Հայտնի է, որ Հայոց անկախ պետականության բացակայության պայմաններում Հայ Եկեղեցին իրականացնում էր հայահավաք քաղաքականություն, փորձում լուծել նաև հայկական գաղթօջախների ազգային ու հոգեւոր խնդիրները: Այս տեսանկյունից հիշարժան է 1944 թ. կաթողիկոսական տեղապահ Տ. Գեւորգ արքեպս. Չորեքյանի գլխավորած պատվիրակության այցը Թեհրան եւ կաթողիկոսական ընտրությունների կազմակերպման ու անցկացման վերաբերյալ քննարկումները համայնքի հետ¹:

Ինչպես աշխարհասփյուռ, այնպես եւ Իրանի հայությունը ցնծությանմբ ընդունեց հայրապետական ընտրության լուրը: Հիրավի, այն հայրենիքի գաղափարի հետ նույնացվող երեւույթ էր համայնքում: Այդ մասին «Ալիք» թերթը գրել է. «...խուռներամ մի բազմութիւն լցել էր Թեհրանի հայ ակումբի սրահն ու նրբանցքը»²: Նույն առիթով ամսագրի

¹ Պատվիրակությունն այցելություններ էր նախատեսել նաև Մերձավոր եւ Միջին Արեւելքի երկրներ: Ուստի այդ շարակարգում էին իրանահայոց հետ հանդիպումները:

² «Ալիք» օրաթերթ, թ. 98, 1944. տես նաև «Ամենայն Հայոց Հայրապետության Տ. Տեղակալի պատվիրակությունը Իրանի մայրաքաղաքում», «Էջմիածին», 1944, Զ., էջ 24:

խմբագրակազմը գրում է. «Հայ եկեղեցին միշտ էլ խուսափել է փաղափակա-
նութիւնից, երբ այդ հնարատու է եղել: Նա փաղափականութեամբ զբաղուել է
ակամայ՝ պաշտպանելու համար իր ժողովրդի շահը, նրա մշակոյթը, ազգա-
յին ասանդութիւններն ու սրբութիւնները ...»³:

Ահա թե ինչ է գրում Իրանում հրատարակվող «Վերածնունդ» թեր-
թը. «Ամբողջ հայութիւնը ցնծագին ողջունում է այն երջանկաւէտ լուրը, որ
արել է ազգընտիր տեղակալը (կաթողիկոսական տեղապահ՝ Տ. Գեւորգ
արքեպս. Չորեքչյան.— Կ. Մ.) աշխարհի չորս անկիւններում ցրուած հա-
յութեան: Դա տեղի ունենալիք կաթողիկոսական ընտրութեան կենսատու
աւետիսն է...»⁴:

1945 թ. հունիսի 16—22-ը Ս. Էջմիածնում տեղի ունեցավ համազգա-
յին եկեղեցական ժողով, որը եւ հունիսի 22-ին Գեւորգ արքեպս. Չորեք-
չյանին միաձայն ընտրեց Ամենայն Հայոց Կաթողիկոս⁵: Նորընտիր հայ-
րապետին շնորհավորում են Ատրպատականի հայոց թեմի առաջնորդ
Տ. Ներսես արքեպս. Մելիք-Թանգյանը, Սպահանի եկեղեցական խոր-
հուրդ⁶: Համազգային եկեղեցական ժողովի մասնակից, Իրանա-Հնդկաս-
տանի հայոց թեմի առաջնորդ Տ. Վահան ծ. վրդ. Կոստանյանն իր խոս-
քում ընդգծում է. «...Թեհրանի հայությունն անվերապահորեն կապված է
Մայր հայրենիքի, Սուրբ Էջմիածնի եւ նրա սրբությունների հետ»⁷:

Հիշարժան է, որ համազգային եկեղեցական ժողովին Իրանի
հայոց թեմերի ներկայացուցիչներն էին՝ Բագրատ Ավագյանը Թեհ-
րանից, Լեւոն Տեր-Հովհաննիսյանը Պարսկա-Հնդկաստանի հա-
յոց թեմից, Բաբկեն Օլուքչյանը, Կարապետ ավ. քհն. Մանուկյանը
Ատրպատականի թեմից:

Վերոնշյալ ժողովում ընթացքում Տ. Վահան ծ. վրդ. Կոստանյանը
հայտարարում է, որ իր թեմը հանձն է առնում չորս ուսանողի թոշակ
տրամադրել, բացի այդ՝ Գեւորգյան հոգեւոր ճեմարանի պահպանման

³ «Ամենայն Հայոց Հայրապետութեան Տ. Տեղակալի պատվիրակութիւնը Իրանի
մայրաքաղաքում», «Էջմիածին», 1944, Ձ., էջ 24:

⁴ «Վերածնունդ» թերթ, Թեհրան, թ. 50, մարտ, 1945. տե՛ս նաեւ «Հայրապետական
ընտրութեան շուրջը», «Էջմիածին», 1945, Գ.—Դ., էջ 6:

⁵ Տե՛ս «1945 թ. հունիսի 16-ի Համազգային եկեղեցական ժողովի պատգամավորների
անվանացուցակը», «Էջմիածին», 1945, Ձ.—Է., էջ 63—65. նաեւ «Սովետական Հայաստան»
օրաթերթ, 24 հունիսի 1945 թ., թ. 126 (7379):

⁶ Տե՛ս «Թավրիզից Ամենայն Հայոց Վեհափառ կաթողիկոս Գեւորգ Ձ.-ին» եւ «Իսպահանի
եկեղեցական խորհրդից» «Էջմիածին», 1945, Ձ.—Է., էջ 18:

⁷ Անդ, էջ 24—25:

համար հանգանակել էր 17 000 թուման եւ հանձն էր առնում եւս 20 000-ը նվիրաբերել⁸:

Անկասկած, իրանահայ պատվիրակների մասնակցությունը հնամենի Մայր Աթոռ Ս. Էջմիածնում գումարված ժողովին հայրենիքի նվիրական գաղափարի կենսունակության դրսևորման առիթ էր: Հունիսի 25-ին՝ Ազգային-եկեղեցական ժողովի վերջին նիստին ելույթ է ունենում Գեւորգ Զ. Զորեքչյանն ու ընդգծում. «Ուրախությամբ հայտարարում եմ ի գիտություն ժողովի, որ մեր շարժումն է գտնվում ազգային բարեգործ Իրանա-Հնդկաստանի թեմից պ. Ռոման Բոգդանի Իսաելը, որը Թեհրանում 600 000 թուման ծախսելով՝ կառուցել է մի եկեղեցի. նա նվիրել է Կարմիր բանակին 250 000 թուման, Բաղրամյանի անվան տանկային շարասյան օգտին նվիրել է 500 000 թուման»⁹:

Իրանահայ համայնքը մասնակցում էր Մայր Աթոռում եւ նրա գահակալի շուրջ տեղի ունեցող հիշարժան իրադարձություններին: 1948 թ. սեպտեմբերի 26-ին «Վերածնունդ» թերթը հատուկ հրապարակմամբ անդրադառնում է Հայոց կաթողիկոսի անվանակոչության տոնին. «Թե՛ Մայր հայրենիքի եւ թե՛ Սփյուռքի հավատացյալ, ազգասեր ու գիտակից հայությունը հավատով ու համոզումով սերտորեն կապված է Սուրբ Էջմիածնի Մայր Աթոռին, վերածնվող Սովետական Հայաստանին, իր խոհուն ու ազգասեր Շինարար կաթողիկոս Գեւորգ Զ.-ին...»¹⁰:

բ. Իրանահայության աշակցությունը Խորհրդային Հայաստանին Երկրորդ աշխարհամարտի տարիներին.

Երկրորդ աշխարհամարտի տարիներին իրանահայությունը զգալի աշակցություն ցուցաբերեց հայրենիքին: Այդ է վկայում ԽՍՀՄ ժողկոմխորհի նախագահ Ի. Ստալինի՝ 1944 թ. հունիսի 6-ով թվագրված պատասխան հեռագիրը կաթողիկոսական տեղապահ Գեւորգ արքեպս. Զորեքչյանին, որտեղ ԽՍՀՄ առաջնորդը խնդրում էր իր ողջույնը եւ Կարմիր բանակի շնորհակալությունը փոխանցել արտասահմանի հայերին¹¹: Տեղին է նշել, որ այս գրությունը նախորդել էր Գեւորգ արքեպս. Զորեքչյանի նամակն Ի. Ստալինին, ըստ որի՝ Թեհրանի հայությունը «Սասուն-

⁸ Տե՛ս անդ, էջ 33:

⁹ Անդ, էջ 41:

¹⁰ Տե՛ս «Գաղութահայ կյանք. Արձագանքներ», «Էջմիածին», 1949, Ա.-Բ., էջ 93:

¹¹ Տե՛ս «ՍՍՌԽ ժողկոմսովետի նախագահ Սովետական Միության մարշալ Ի. Վ. Ստալինի պատասխան հեռագիրը Ամենայն Հայոց հայրապետության ազգընտիր տեղակալ Ամենապատիվ Տ. Գեւորգ արքեպիսկոպոսին», «Էջմիածին», 1944, Զ., էջ 10:

ցի Դավիթ» տանկային շարասյան ստեղծման համար տրամադրել էր 1 745 000 իրանական ռիալ¹²:

Ատրպատականի հայոց թեմի առաջնորդ Ներսես արքեպս. Մելիք-Թանգյանն առաջիններից էր, որ արձագանքելով Գեւորգ արքեպս. Զոքեքչյանի հայրենասիրական կոչերին՝ նշված տանկային շարասյան ստեղծման համար նախաձեռնեց հանգանակություն: Նա իր հավաքած միջոցների մասին հեռագրեց Ի. Ստալինին եւ ստացավ նրա շնորհակալությունը¹³: Ավելին՝ 1945 թ. հունվար-փետրվար ամիսներին Մելիք-Թանգյանի նախագահությամբ Ատրպատականի թեմում կազմակերպվեց հանգանակություն բանակի հրամանատար, ԽՍՀՄ մարշալ Հովհաննես Բաղրամյանի անվան տանկային շարասյան ստեղծման համար¹⁴: Ներսես սրբազանի ղեկավարությամբ թեմում միջոցներ էին հավաքվում՝ զոհված զինվորականների երեխաների աջակցության, Ստալինգրադի վերակառուցման եւ հայրենասիրական այլ նպատակների իրագործման համար:

1948 թ. սեպտեմբերի 29-ին ստանալով Ներսես արքեպս. Մելիք-Թանգյանի մահվան գույժը¹⁵, Վեհափառը Հայրապետը հեռագրում է. «Մենք եւ միաբանությունը (Մայր Աթոռ Ս. Էջմիածնի. — Կ. Մ.) խորապես վշտացած ենք Սուրբ Էջմիածնի հարազատ ու հավատարիմ զավակի, ժողովրդասեր, գործունյա, հեղինակավոր եւ դժվար փոխարինելի միաբանի մահվան առթիվ»¹⁶:

Հայրենիքի եւ հայրենադարձության գաղափարախոս Տ. Ներսես արքեպս. Մելիք-Թանգյանը Հայ Եկեղեցու նշանավոր հոգեւորականներից էր, որը 36 տարի անընդմեջ ընտրվել է թեմի առաջնորդ: Հիշարժան է, որ «Ժուռնալ դը Թեհրան» պարբերականը Ներսես սրբազանի մասին գրել է. «Իր գործունեության երկարշունչ ասպարեզում Ատրպատականի առաջնորդը միշտ աշխատել է ամրապնդել հայերի եւ մահմեդականների բարեկամությունը եւ ձեռք էր բերել մահմեդականների բարեկամությունը»¹⁷:

¹² Տե՛ս «Ամենայն Հայոց հայրապետության Տ. Տեղակալի հեռագիրը Ի. Վ. Ստալինին», «Էջմիածին», 1944, Զ., էջ 9:

¹³ Տե՛ս «Գերապատիվ Տ. Ներսես արքեպիսկոպոս Մելիք-Թանգյան», «Էջմիածին», 1945, Ա.-Բ., էջ 8:

¹⁴ Տե՛ս անդ, էջ 9:

¹⁵ Տե՛ս «Մայր Աթոռ», «Էջմիածին», 1948, Ժ.—ԺԲ., էջ 21:

¹⁶ Անդ, էջ 21:

¹⁷ Տե՛ս «Ներսես արքեպիսկոպոս Մելիք-Թանգյան», «Էջմիածին», 1948, Ժ.—ԺԲ., էջ 25:

Ներսես սրբազանը նաեւ որպէս աստվածաբան ունի իր արժանի տեղը Հայ Եկեղեցու անդամատանում. չափազանց արժեքավոր է նրա «Հայոց եկեղեցական իրաւունքը» երկհատոր աշխատութիւնը¹⁸:

գ. Իրանահայության հայրենադարձությունը «Էջմիածին» ամսագրի հրապարակումներում.

Հայրենիքի գաղափարի գործնական արտահայտութիւնն իրանահայերի կազմակերպված հայրենադարձութիւնն էր Խորհրդային Հայաստան: Հիրավի, Իրանի հայ գաղթօջախում հայրենապաշտութիւնը դարեր շարունակ եղել է կենսունակ՝ առաջին հերթին ու գլխավորապէս ազգային Եկեղեցու եւ նրա հովանու ներքո գործող դպրոցների գոյութեան շնորհիվ: Հենց այդ առաքելութեամբ 1946 թ. հունիսի 16-ին Մայր Աթոռից Իրան է մեկնում Թեհրանի թեմի նոր կարգված առաջնորդ Տ. Ռուբեն եպս. Դրամբյանը¹⁹:

Տ. Ռուբեն սրբազանի գործունեության վերաբերյալ գնահատականը տրված է «Էջմիածին» ամսագրում. «...նա պաշտպանում էր «հոգւով եւ նշմարտութեամբ» Ա. Էջմիածինը եւ մինչեւ իր կյանքի վերջին շունչը կապված է եղել Ա. Էջմիածնի գաղափարին»²⁰: Հիրավի, Ռուբեն արքեպս. Դրամբյանի մահը մեծ կորուստ էր իրանահայ համայնքի համար: Հայոց հայրապետին ցավակցում էին Թեհրանի հայոց թեմական խորհուրդն ու եկեղեցական վարչութիւնը, համայնքային գործիչ Ռոման Իսահելը, ինչպէս նաեւ մյուս թեմերի կառույցները եւ առաջնորդները²¹:

Ռուբեն սրբազանի նախաձեռնութեամբ Թեհրանի թեմից մեծ թվով հայեր վերադարձան հայրենիք: «Էջմիածին» ամսագրում հետաքրքիր տեղեկութիւններ են առկա իրանահայ հայրենադարձների մասին²²: Այստեղից պարզ է դառնում, որ «...մինչդեռ Հայաստան էր ժամանում հյուսիսից երկրորդ խումբը, ներգաղթողների առաջ բացվեցին նաեւ հարավային դռները: Հուլիսի 17-ին հատուկ գնացքով Զուլֆա ժամանեց իրանահայերի

¹⁸ Տե՛ս է. ՅԱՎՈՐԵԱՆ, Ներսէս արքեպիսկոպոս Մելիք-Թանգեանի վերջին կտակը, «Իրան-նամէ» ամսագիր, Երեւան, 1999, թ. 32, էջ 105:

¹⁹ Տե՛ս «Հայոց եկեղեցի. Մայր Աթոռ», «Էջմիածին», 1946, Զ.-է., էջ 27:

²⁰ «Գեր. Ռուբեն արքեպիսկոպոսի մահը եւ հուղարկավորութիւնը», «Էջմիածին», 1952, Բ., էջ 17:

²¹ Տե՛ս «Հայաստանյայց Առաքելական Սուրբ Եկեղեցին ողբում է մահը Մայր Աթոռ Ա. Էջմիածնի միաբան Գերաշնորհ Տ. Ռուբեն արքեպիսկոպոս Դրամբյանի», «Էջմիածին», 1952, Բ., էջ 8–11:

²² Տե՛ս «Իրանահայերի ժամանումը», «Էջմիածին», 1946, Զ.-է., էջ 70:

առաջին խումբը՝ թվով 440 մարդ»²³։ Արժանահիշատակ է՝ հայրենադարձների դիմավորման արարողություններին մասնակցում էին նաեւ Խորհրդային Հայաստանի պետական-կուսակցական գործիչները, ինչը փաստում է, որ հայրենադարձությունն իրականացվում էր պետության հոգածության ներքո։

Հուլիսի 19-ը պատմական էր իրանահայ հայրենադարձների համար, քանի որ հենց այդ օրը նրանց առաջին խումբը ժամանում է Արտաշատ։ Ամսագրի մեկ այլ հրապարակման մեջ նշվում է. «Օրերս Միկոյան²⁴ ժամանեց Իրանից ներգաղթած հայերի մի մեծ խումբ՝ բաղկացած 500 մարդուց»²⁵։

Եւս մեկ կարեւոր հանգամանք. հայրենադարձության միջոցով համալրվում էր նաեւ Հայոց Եկեղեցու հոգեւոր սպասավորների թիվը, որն անհրաժեշտ էր իշխող գաղափարախոսություն հռչակված անաստվածություն (աթեիզմի) պայմաններում։ Այդ մասին հրապարակումներից մեկում նշվում է, որ Իրանից ներգաղթած Տ. Վաղարշակ քհն. Բաղումյանը Գէշ-ի կողմից կարգվել է Թալինի շրջանի Ղրմզլու²⁶ գյուղի ծխատեր քահանա²⁷։

Հստ պատմաբան Ն. Սարգսյանի՝ մեծ հայրենադարձությունը սկսվեց 1946 թ. հուլիսի 27-ին, երբ «Տրանսիլվանիա» նավով Բեյրութից Բաթում եկան բազմաթիվ սիրիահայեր ու լիբանանահայեր (ընդհանուր թվով՝ 1816)։ Այնուհետեւ միայն Իրանից հայրենիք է վերադառնում 3870 ընտանիք (20 597 մարդ)²⁸։

Հայրենադարձների հաշվեկշռում իրանահայերը եղել են առաջին տեղում, երբ դիտարկում ենք տարբեր երկրներից ներգաղթած հայերի թվակազմը. Սիրիայից, Լիբանանից միասին վերցրած գաղթել է 3794 ընտանիք (19 253 մարդ), Բուլղարիայից՝ 1248 ընտանիք (4383 մարդ), Հունաստանից՝ 1372 ընտանիք (4974 մարդ), Ռումինիայից՝ 517 ընտանիք (1738 մարդ)։

²³ Անդ, էջ 70։

²⁴ 1935—1957 թթ. Եղեգնաձորի շրջանը կոչվել է Միկոյանի շրջան։

²⁵ «Ներգաղթող հայերի նոր խումբ», «Էջմիածին», 1946, Ը.-Ժ., էջ 88։

²⁶ Կարմրաշեն՝ գյուղ ՀՍՍՀ Թալինի շրջանում՝ հյուսիսարեւելյան կողմում։ Կարմրաշեն է վերանվանվել 12.11.1946 թ. հրամանագրով։ Գյուղը գտնվում է Արագածի սարալանջին՝ քարքարոտ վայրում։

²⁷ Տէս «Խմբագրակազմ, Հայոց Եկեղեցի, Մայր Աթոռ», «Էջմիածին», 1948, Գ.-Դ., էջ 13։

²⁸ Տէս Ն. ՍԱՐԳՍՅԱՆ, ՀԿԿ գործունեությունը սփյուռքահայերի հայրենադարձության կազմակերպման եւ նրանց սոցիալիստական շինարարության մեջ ներգրավելու ուղղությամբ (1946—1948), էջ 14։

Խիստ կարեւոր է այն իրողությունը, որ իրանահայերի հայրենադարձությունն իրանում կազմակերպում էր այս պետության կողմից իրավականորեն ճանաչված եւ կարգավիճակ ունեցող Հայոց Եկեղեցին: Սա, թերեւս, հարցի ամենակարեւոր կողմն է, որին խորհրդահայ պատմագիտական միտքը սակավ է անդրադարձել:

Մեծ թվով իրանահայերի արտագաղթը խորհրդային Հայաստան չէր կարող աննկատ մնալ Իրանի կառավարության աչքից, որը 1947 թ. արգելեց դա: Սա է պատճառը, որ հայրենադարձների թիվը կրճատվեց: Տեղին է նշել, որ իրանում սկսվել էր կառավարական ճգնաժամ: Հաքիմիի կառավարությունը հրաժարական տվեց, եւ 1946 թ. հունվարի 27-ին վարչապետի պաշտոնը զբաղեցրեց քաղաքական մեծ փորձ ունեցող Ահմեդ Ղալամ էս-Սալթանեն²⁹: Վերջինս գիտակցում էր, որ երկրից իրանահայերի արտագաղթը կհանգեցնի հմուտ մասնագետների պակասի: Ահա թե ինչու նշված որոշմամբ կանխվում էր նաեւ երկրում կոմունիստական գաղափարախոսության տարածումը: Ուստի դրանով էր պայմանավորված պետության միջամտությունը իրանում հայ համայնքի պահպանման ուղղությամբ:

Ավելին՝ հայրենադարձության նկատմամբ իրանական կառավարության բացասական վերաբերմունքը դառնում էր ակնհայտ հասարակական կյանքում: 1948 թ. հուլիսի 4-ին «ՏԱՍՍ» լրատվական գործակալությունն անդրադարձել է նշված խնդրին մի հոդվածով, որն արտատպված է «Էջմիածին» ամսագրում³⁰: Հրապարակման մեջ ահազանգ էր հնչեցվում, որ «Թավրիզ ժամանող անձինք պատմում են այն կատաղի հալածանքների մասին, որոնց ենթարկվում են հայերը Իրանական Ադրբեջանում»³¹: Իշխանությունները Թավրիզում փակել էին հայկական դպրոցները եւ ապօրինի գրավել դրանք:

Այս շարակարգում արժե նշել, որ լուրջ խնդիրներ էին առաջացել Իրանի հայոց թեմերում: Հայրենադարձ մտավորական Լ. Աճեմյանը նկարագրելով Մայր Աթոռում տեղի ունեցած միջոցառումներից մեկը՝ նկատում է. «Աջ ու ձախ դասերու մեջ էջմիածնի միաբաններն են կանգնած: Անոնց մեջ են Իրանեն վերադարձած երկու առաջնորդները: Պարսից

²⁹ Տէս Վ. ԲԱՅԲՈՒՐԴՅԱՆ, Իրանի պատմություն (Հնագույն ժամանակներից մինչեւ մեր օրերը), Երեւան, 2005, էջ 644:

³⁰ Տէս «Հայերի դեմ կիրառվող հալածանքները իրանում», «Էջմիածին», 1948, է.—Թ., էջ 102:

³¹ Անդ, էջ 102:

կառավարությունը արգիլած է անոնց առաջնորդական պաշտոն վարել Իրանի մեջ որպես օտարահպատակներ...»³²։

Հարկ է նշել, որ խորհրդային քարոզչամեքենան, օգտվելով ստեղծված վիճակից, առավել դժնդակ էր ներկայացնում այդ երկրում ապրող հայերի վիճակը, որպեսզի ներգաղթածները հանկարծ չմտափոխվեն։

դ. Թեմական կյանքը «Էջմիածին» ամսագրի հրապարակումներում.

1945 թ. հունվարին կաթողիկոսական տեղապահ Գեորգ արքեպս. Չորեքչյանը Պարսկա-Հնդկաստանի հայոց թեմի առաջնորդ է նշանակում Տ. Վահան ծ. վրդ. Կոստանյանին։ Վերջինս նույն ամսի 25-ին մեկնում է իր թեմ³³, իսկ փետրվարի 15-ին Թեհրանի Ս. Աստվածածին եկեղեցում փոխանցում է Գեորգ արքեպս. Չորեքչյանի օրհնությունը տեղի հայությունը³⁴։

1945 թ. փետրվարի 19-ին Վահան ծ. վրդ. Կոստանյանը «Մարմարի» պալատում հանդիպում է արքունական նախարար Ալախին։ Վերջինս թեմակալ առաջնորդին ներկայացնում է Իրանի Մոհամմադ Ռեզա Փահլավի (1941—1979 թթ.) շահին. «Շահնշահը խիստ հարգալից է սիրալիք ընդունելության արժանացրեց առաջնորդ հորը, որը հանձնեց նրան Ամենայն Հայոց հայրապետության ազգընտիր տեղակալի կոնդակը՝ պարսկերեն թարգմանության հետ միասին»³⁵։ Թարգմանությունը կատարել էր հայազգի գործիչ Յուսուֆ խան Ղարախանյանը։ Կոնդակից պարզ է դառնում, որ Գեորգ արքեպս. Չորեքչյանը երկու կարեւորագույն խնդիր էր բարձրացնում։ Դրանք էին՝ «1. Բարեհաճել կարգադրել, որպեսզի Իրանի պետության մեջ գտնվող հայոց դպրոցների ամեն մի դասարանին հայոց լեզվի, գրականության, պատմության եւ կրոնի դասավանդման համար հատկացվի շաբաթական 10—12 ժամ։ Չնայած այս մասին ժամանակին կարգադրություն եղել է, սակայն կյանքի մեջ շատ տեղերում կիրառված չէ։ 2. Վերադարձվեն հայոց դպրոցական շենքերն ու կալվածները»³⁶։

³² Տե՛ս «Անմոռանալի պահեր Հայոց հայրապետանոցին մեջ», «Էջմիածին», 1950, Ա.-Բ., էջ 23—26։

³³ Տե՛ս «Խմբագրակազմ, Հայոց եկեղեցի, Մայր Աթոռ», «Էջմիածին», 1945, Ա.-Բ., էջ 6—7։

³⁴ Տե՛ս «Իրանա-Հնդկաստանի հայոց թեմի առաջնորդ Բարձրապատիվ Տ. Վահան ծայրագույն վարդապետը Իրանում», «Էջմիածին», 1945, Գ.-Դ., էջ 7—9։

³⁵ «Իրանա-Հնդկաստանի առաջնորդ Բարձրապատիվ Տ. Վահան ծայրագույն վարդապետ Կոստանյանը Իրանի շահի մոտ», «Էջմիածին», 1945, Գ.-Դ., էջ 10։

³⁶ Անդ, էջ 10։

Շահր, ծանոթանալով կոնգրակի բովանդակությանը, թեմակալ առաջնորդին հանձնարարում է հայ գաղթօջախի խնդիրները գրավոր ներկայացնել արքունական նախարարին՝ խոստանալով համապատասխան կարգադրություններ անել: Փաստորեն՝ խնդիրները լուծելու հնարավորություն է ստեղծվում:

Գեւորգ արքեպս. Չորեքչյանի մտահոգությունը դպրոցների առնչությամբ ամենեւին պատահական չէր: Դեռեւս 1936 թ. իրանական իշխանությունները փակել էին հայկական դպրոցները: 1942–1943 թթ. վերսկսվեց ուսուցումը, սակայն այն իրականացվում էր պարսկերենով, իսկ հայոց լեզվի դասավանդումն արտոնվեց միայն հիմնական ծրագրից ու դասաժամերից դուրս: Թավրիզի հայկական դպրոցները վերաբացվեցին շատ ավելի ուշ³⁷:

Վերլուծելով «Էջմիածին» ամսագրում հրատարակված բազմաբովանդակ տեղեկությունները՝ կարող ենք եզրակացնել.

ա. Պատերազմական դրության մեջ գտնվող Խորհրդային Հայաստանին իրանահայության կողմից նյութական զգալի միջոցների տրամադրումը վկայում է այդ գաղթօջախի եւ հայրենիքի սերտ կապերի մասին:

բ. Ազգային-եկեղեցական ժողովի աշխատանքներին եւ կաթողիկոսական ընտրությանը մասնակցելը իրանահայությունն ընկալում էր որպես հայրենիքի գաղափարի գործնական արտահայտություն, իսկ Սուրբ Էջմիածինը՝ որպես հայրենիքի խորհրդանիշ:

գ. Այս գաղթօջախում հայրենիքի գաղափարի կենսունակ լինելու մասին է վկայում այն իրողությունը, որ հայրենադարձների շարքում նկատելի թիվ էին կազմում իրանահայերը:

դ. Իրանահայերի մշտական բնակության հաստատումը Խորհրդային Հայաստանի մի շարք շրջաններում, անշուշտ, ուներ ընկերային-տնտեսական, պատմական, ժողովրդագրական կարեւոր նշանակություն:

РЕЗЮМЕ

С момента своего создания в 1944 году религиозческий и арменоведческий журнал «Эчмиадзин» опубликовал ценные статьи о деятельности

³⁷ Տե՛ս Կ. ԴԱՆԱՔՅԱՆ, Հայ Սփյուռքի պատմություն (համառոտ ակնարկ), Երեւան, 2004, էջ 199:

армянской общины Ирана. На страницах журнала можно найти многочисленные публикации на разные темы. Среди них: визит делегации во главе с Местоблюстителем Католикоса Всех Армян архиепископом Геворгом Чорекчяном в Тегеран в 1944 году и встречи с армянской общиной Ирана, деятельность Армянской епархии Ирана, роль известных ирано-армянских деятелей в развитии связей между родиной и диаспорой, пожертвования иранских армян, направленные родине во время Второй мировой войны. Особое внимание уделяется вопросу организации репатриации и участия в ней иранских армян.

SUMMARY

Since its inception in 1944, “Etchmiadzin” religious and Armenological journal of the Mother See of Holy Etchmiadzin has published valuable articles on the activities of the Armenian community in Iran. On the pages of the magazine, there are many publications related to the presentation of such issues as: visit of the delegation of the Deputy Patriarch of All Armenians headed by Archbishop Gevorg Chorekchyan to Tehran in 1944, and meetings with the Iranian-Armenian community; activities of the Armenian Diocese of Iran, including the role of prominent Iranian-Armenian figures in the context of Homeland-Diaspora ties, as well as donations of Iranian-Armenians to the homeland during World War II. Special attention is paid to the issue of organizing repatriation and the participation of Iranian Armenians in it.

